

DISSERTATIO INAVGVRALIS

DE

SORTIBVS POETICIS,

QVAM,

AVCTORITATE

AMPLISSIMI PHILOSOPHORVM ORDINIS,

SVB PRAESIDIO

MAGNIFICI ACADEMIAE RECTORIS,

CHRISTIANI GOTL. SCHVVARZII,

PHIL. MORALIS, ORATORIAE ET POESEOS PROF. PVBL.

ET BENEFICIARIORVM NORICORVM INSPECTORIS

BENE MERITISSIMI,

CONSEQVENDI SVMMI IN PHILOSOPHIA HONORIS

CAVSSA,

D. XXI IVNII, A. C. MDCCXII

PVBLICAE DISQVISITIONI SVBMITTIT

GEORGIVS CHRISTOPHORVS EICHLERVS,

NORICVS.

ALTORFII NORICORVM,

LITERIS MAGNI DANIELIS MEYER.



10



Q. D. B. V.

I.



Incredibile in animis hominum inest desiderium praeoscendi, et quovis modo exquirendi, aut mala impendentia, aut futuros eventus secundos. Omnes enim homines, quod recte animadvertit scripsitque Casparus Peucerus, in commentario de praecipuis generibus divinationum, natura cupiunt, cum sese salvos et incolumes esse, et in rebus constitui secundis, cum mala adversaeque et perturbationes animi quasvis abominantur. Idcirco solliciti de futuris, et sperantes ac metuentes, et inquietis animis magis inhiantes futuris, quam tranquille fruantes praesentibus, mirabilibus cogitationum motibus, ceu procellis maria, agitantur, et nihil non faciunt, credunt, suscipiunt, quo et ex his sese fluctibus expediant, et vel praesentem stabiliant felicitatem, futuramve consequantur, vel amoliantur onus praesentium malorum, et contra adversitates secuturas sese obfirment ac praemuniant. Quid mirum igitur, innumera fere divinationum atque hariolationum genera ubique gentium invaluisse? Quae est gens, ait Cicero *L. 1. de Divinatione*, aut quae civitas, quae non aut extis pecudum, aut monstra ac fulgura interpretantium, aut augurum, aut astrologorum, aut sortium, aut somniorum, aut vaticinationum praedictione, moveatur?

Magna est hominum cupiditas praeoscendi futura.

II.

Non necesse est, ut varia divinationis genera hoc loco copiosius recenscam; cum in hoc argumento plures scriptores iam versati fuerint. Interim vel ipse Ciceronis locus paulo ante laudatus testatur facit, SORTES quoque divinandi causa, fuisse adhibitas. Equidem sortis nomen latius patet, cuius potestates omnes nihil attinet interpretari. Constat vero, im-

Ad divinationem etiam sortis sunt usurpatae.

primis generatim quodvis oraculum, seu vaticinium, hac voce significatum fuisse. Sic Livius, *Decad. l. lib. l.*, locutus est: Delphos ad maxime inclytum in terris oraculum mittere statuit; neque responsa sortium ubi alteri committere ausus. Et Cicero, *Lib. II de divinatione, c. XXXIII*, oraculum intellexit, ubi dixit: *Sors illa edita est Croeso*:

Croesus Halyn penetrans magnam pervertet opum vim.

Nec male existimavit Demsterus, *oraculis* eam ob causam maxime *sortium* nomen attribui coepisse, quia, uti res maxime dubiae ac controversae forti soleant committi, ita responsa Deorum, Apollinis nominatim Delphici, maxime fuerint obscura et ambigua, quorum sensum per *sortes* venari fuerit necesse. Speciatim vero ut plurimum *sortes* de eiusmodi vaticinio dicebantur, quae non nisi fortuito casu, nec aliquo consilio humano, ita eveniebant, uti Cicero *L. II. de Divin. c. XLI.* describit; *Quid sors est?* inquit, *Idem propemodum, quod micare, quod talos iacere, quod tesseras; quibus in rebus temeritas & casus, non ratio nec consilium valet.*

III.

Sortium
tria genera
dececiuntur.

Cum vero *sortium* quoque varia sint genera; Peucerus, *L. c.* tria potissimum genera constituit, dum alias *sortes divinas*, alias *politicas*, alias *divinatorias* esse, scripsit. Divinarum sortium appellatione singularia illa exempla complexus est, quorum mentio fit in diviniore literis. Ad cuiusmodi *sortium* usum non nulli recte accommodant illud, quod Hieronymus, *in Comment. ad Ionam*, dixit: *Privilegia singulorum non facere posse legem communem.* Politicas sortes vocavit, quibus vel res certae, ut hereditates, legata, dona, et similia, distribuuntur iis, ad quos pertinent; vel ex aliquo numero idoneae personae desumuntur, quibus certae functiones commenduntur. Ad quas sortes, si de rebus arbitrio nostro subditis legumque

aucto-

auðoritate nixis, et consensu fortientium confirmatis, instituantur, ubi quidem humana industria divisionem istam sine discordia alio modo non possit consequi, referunt illud Salomonis, *Proverb. XVIII. 18. Contradictiones comprimit fors, et inter potentes quoque diiudicat.* Denique est fors divinatrix, qua homines impendunt fata prospicere, et negotiorum, tum suorum, cum aliorum exitus futurosque eventus, praenoscere volunt.

IV.

Equidem, me minus fugit, alios aliter ista sortium genera partiri atque definire consuevisse: sed ad institutum meum parum interest, talia hoc loco plenius a me excuti; cum saltem de *sortibus divinatricibus* non nihil dicturus sim; quae itidem non fuerunt unius eiusdemque generis. Sed tamen in his principem locum habuerunt *κληροματτία* & *σχηματτία*. *Κληροματτία* proprie illud divinationis genus dicebatur, quo per per tesseras, talosque iactos, divina oracula petebantur. Haec *κληροματτία* multis sane locis viguit, ubi per huiusmodi sortes reddebantur oracula. Huc pertinent sortes illae ad Apollonem fontem talis aureis trahi solitae, teste Suetonio *in vita Tiberii*, c. XIV. Sortes Antiatinae; quarum idem Suetonius meminit, *in vita Caligulae*, c. 57. Sortes Dodonaeae, de quibus scribit Cicero, *L. I. de divinatione*. Sortes Praenestinae; quas idem Cicero commemorat, *L. II. de divinatione*, & Valerius Maximus, *L. I. c. 3*. Sortes Buraicae, de quibus Pausanias *L. VII. c. XXV*. haec refert. *Ἡρακλῆς ὑμῖνας ἰσὶν ἐν σπηλαίῳ. ἐπιτέλῃσι μὲν καὶ ταῖς Βουραϊκῇς. Ματτίας δὲ ὑπὸ πίνακι τε καὶ ἀστρογάλῃσι ἰσὶ λαβῶν. Ἐυχεται μὲν γὰρ πρὸ τῷ ἀσγάλματι ὁ τῷ Θεῷ χροῖμενος, ἰπὸ δὲ τῇ ἐνυχῇ λαβὼν ἀστρογάλην (ὡς δὲ ἀφ᾽ οὗτοι παρὰ τῷ Ἡρακλεῖ κῆνται) τίσσεσσι ἀφίστην ἐπὶ τῇ τραπίδι. ἰπὶ δὲ παντὶ ἀστρογάλῳ χήματα γεγενημένα ἐν πίνακι ἐπιτέλῃσι ἐξήγησιν ἔχον τὰ χήματα.* hoc est: *In spelunca (non procul a Bura) parvum est Herculis signum, cuius Buraico cognomen est. Oraculi sortes capiuntur ex tabula*

Ad Sortes
divinatri-
ces pertinet
I. αληγε-
ματτία.

tabula et talis. Deum vero consulturus ad signum precatur; vocem nuncupato, sumit talos, quorum copia praesto est ad Elerculis signum, mittitque quatuor super mensam. Omni vero talo inscriptae sunt certae notas; quarum interpretationem ex similitudine consuevit habere in tabula. Si instituti ratio permitteret, possem non pauca etiam de *παῖσδομαρτίαις*, seu de fortibus virgarum apud Scythas, Germanosque veteres, atque alios populos, quondam usitatis, commemorare.

V.

ἡ παῖσδομαρτία
sortis eius
ius nominis
traduntur.

Sed converto me ad *εὐχρημαρτίας*, seu *παῖσδομαρτίας*, vel SORTES POETICAS: quando ex Poetis vaticinium solliciti, evolverunt Poetas praestantissimos, ut ex occurso et primo intuitu sententiae versusque divinarent de re proposita, vel alio quoque modo, prout mox trademus, ex iisdem vaticinarentur. Hoc divinationis genus a quibusdam voce graeca dictum est *εὐχρημαρτία*; divinatio ex versibus. Et quamvis nulla vetusta succurrat auctoritas huius vocis a Peucero usurpatae: idonea tamen et conveniens haec vox est significandae rei, neque ab analogia Graecae linguae aliena. Deprehendo etiam nomen *παῖσδομαρτίας* huiusmodi divinationi impositum. At certe, si, quod usu venire solet, *παῖσδομαρτία* generatim dicitur *versus contemere*, seu *recitare versus*; hoc nomen aequale patet, ac nomen *εὐχρημαρτίας*. Sed cum constet, aliquando proprie non nisi Homeri poësin dictam esse *παῖσδομαρτίας*; sic nomen inde compositum *παῖσδομαρτίας* non nisi speciatim de divinatione ex Homerica poësi diceretur. Atque ita omnium frequentissime ab auctoritate poetarum, quorum versus consulebantur, hae divinationes nominatim appellabantur SORTES HOMERICAE, SORTES VIRGILIANAE, et sic porro. Ego generale nomen amplexus, SORTES POETICAS dixi, cum nec de Homericis, nec de Virgilianis solum fortibus, sed de reliquis etiam, quae ex aliis Poetis petita sunt, scribere constituerim.

Vl. Ista

VI.

Ista vero divinatio ex Poetis non uno eodemque modo ^{Primus mo-} semper peracta est. Aliquando dicuntur summis aliculus prae- ^{dius divi-} stantioris Poetae volumen, idque, prout visum fuerat, temere ^{nandi per} aperuisse, ut, quicquid primum occurreret oculis, pro sorte, et ^{sortes poe-} oraculi loco haberent, vel etiam ex primo saltem paginae ver- ^{licas.}iculo de rebus propositis divinarent. Hunc modum plerique omnes recentiores scriptores tradunt, qui de hoc vetusto sortium genere mentionem faciunt. Ita Casaubonus in notis ad Spartiani Adrianum Caesarem scripsit: *Fuit et modus passim disparitatis, cum temere arrepto et aperto Poetae cuiusdam libro, ut quidque primum oculis se obicerat, pro sorte id et oraculi loco habebatur.* Ita Peucerus L. de divinatione, p. 231. *Sortes Virgilianae sunt, inquit, cum, aperto libri codice, qui primi visui occurrissent versus, in oraculi omen assumebantur. Meminit harum Ael. Spartianus in Adriani vita.* Imo, ut plurimum testimonia taceam, Antonius etiam van Dale, qui in *Dissertationibus* de oraculis hoc argumentum passim attingit, inter alia haec habet: *Divinatio per sortes, quae per carmina sive Sibyllarum, sive aliorum Poetarum, dabantur, fiebat aut aliis artificibus, quaelibet fuere proposita; aut per aperturam codicis huius illiusve vatis, seu Poetae, cuius versus in hac re praestigiatore istis sibi maxime usus fore existimabant.* Communis haec omnium scriptorum fere est sententia. Sed fateor, nullum adhuc testimonium huius rei ex vetusto quodam auctore mihi occurrisse, unde hic ipse modus prorsus evidenter cognoscatur. Equidem Peucerus provocat ad auctoritatem Aelii Spartiani: verum, hic quidem in vita Adriani. c. 3. meminit sortium Virgilianarum. *Quo quidem tempore, inquit, quum sollicitus de Imperatoris erga se iudicio Virgilianas sortes consuleret,*

*Quis procul ille autem ramis insignis olivae
Sacra ferens? Nescio crines incanaque mentis
Regis Romani, primam qui legibus urbem*

Funderat,

*Fundavit, Curibus parvis et paupere terra
Missum in imperium magnum, cui deinde subibit :*

Sors excidit, quam alii ex Silylinū versū ei provenisse dixerunt. At unde cognoscas, has ipsas sortes Virgilianas, tunc codice forte aperto repertas, et non alio modo prodicas fuisse? Certe, dum Spartianus ait, sortem hanc *excidisse*; potius illa ad alium, eumque secundum, divinationis modum, quem mox describam; quam ad hunc, de quo iam dixi, est referenda. Casaubonus, Dalaeus, alique, ut probent, sortes poeticas codicibus Poetarum temere apertis fuisse consultas, nituntur testimonio Augustini, Praefulis Hipponensis. Hic enim, L. IIII confessionum c. 3. *A quo ego cum quaesivissem, ait, quae ex causa hoc fieret, ut multa vera a Planetariū pronunciarentur; respondit ille, ut potuit, vim sortū hoc facere, in rerum natura nequequaque diffusam. Si enim DE PAGINIS POETAE CIVISPIAM longe aliud carentū atque intendentū, cum sortem quā consuluit, mirabiliter consonum negotio saepe VERSVS EXIRET; mirandum non esse, cetera.* Sed non video, quomodo haec Augustini verba necessario de fortuita illa poeticorum scriptorum apertura et consultatione debeant intelligi, nec ad alium poeticae divinationis modum possint accommodari, maxime cum ille eo modo *versus exire* dicat. Nihilominus tamen perquam probabile est, ista ratione nonnunquam veteres de rerum suarum eventu augurari consuevisse, ita quidem, ut Poetas insigniores evolverint, et versiculos, qui primi occurrerunt, ad res, quas animo habebant, interpretandas, arripuerint. Etenim in *sortibus Sanctorum*, quae in locum sortium poeticarum successerunt, et de quibus infra dicturi sumus, hunc divinandi modum observatum fuisse, certissimum est.

VII.

Secundus
modus di-
vinandi per
sortes poe-
ticas.

Alium modum consulendarum sortium poeticarum observavit Casaubonus, ad Ael. Spartianum, in *vita Adriani Caesaris*:

faris: *Interdum*, inquit, *nobilis alicuius poetae selectos versus in pittaciis describebant*; quibus in situlam coniectū, idem ordo servabatur, qui in aliis sortitionibus, quibus urna interveniebat; de hoc genere proprie dicitur SORS EXCIDIT, vel EXIIT, et, καὶ ἔξῃσεν. Imo de eodem genere videtur usurpata loquendi forma, *sortes tollere*; dum schedulae, aut folia, aut membranae, aut chartulae, eiusmodi versibus poetarum insignitae, atque in pulvinar Deorum, aut in urnam vel situlam coniectae, sorte inde, aut a consulente Deum, aut a Sacerdote, aut a puero, aliisque, tollebantur. Respexit forte ad hunc modum Augustinus, L. 83. quæst. 45. *Cum multa eos prædixisse dicatur; ideo fit, quia non tenent homines memoria falsitates errorisque: sed non intenti, nisi in ea, quae illorum responsis provenerunt, obliviscuntur; et ea commemorant, quae non arte illa, quae nulla est, sed quadam obscura rerum sorte contingunt. Quod si peritiae illorum volunt tribuere, dicant, artificiose divinare etiam mortuas MEMBRANAS SCRIPTAS qualibet, de quibus plerumque pro voluntate SORS EXIT. Fortasse hoc modo etiam Clodius Albinus sortes consuluit; de quo Iulius Capitolinus, c. V, ait: Quum ille SORTEM de fato suo TOLLERET, his VERSIBVS eidem dicitur esse responsum:*

*Hic rem Romanam magno turbante tumultu
Sisset eques: sterneret Poenos, Gallumque rebellem.*

VIII.

Tertius modus sortium poeticarum hic annotatus est a Caesare. Tertius modus divinandi per sortes poeticas. *Interdum versus fatidicos in tabella describebant, et, salorum arbitrate alea, divinationem peragebant. Hic est πικρὸς αἶγρονος, seu αἶγρονος οὐκίς, cuius saepe in libris Graecorum fit mentio.* Imo tabellis, sive libellis, inscribebant collectos ex gravissimis poetis versus ad vaticinandum idoneos, ac, si quis flagitaret prognostica, inde vel sorte, vel alia ratione, depromebant sententias ad interrogata accommodatas. Hoc,

B

prae-

praeter ceteros, cognoscimus ex Plutarcho, qui in *Libro de Pythiae oraculis* refert, maximam poesi infamiam paravisse circumforaneos et circulatores, et scurras, magnae Matris Deorum ac Serapidis vagos: horum alios ex tempore, alios **SORTE QVADAM EX QVIBVSDAM LIBELLIS** oracula dedisse servis et mulierculis, quas maxime numeri et nomina poetica moverent: istamque non minimam fuisse causam, cur poetica, tanquam quae communem se videretur praebere impostoribus ac falsis vatibus, veritate et tripode arceretur.

IX.

Quartus
modus di-
vinandi per
fortes poc-
ticas.

Praeter hos tres modos sortium poeticarum consulenda-
rum, quos observavit laudatus Casaubonus, deprehenditur
quartus, quo non nunquam ex versu antiqui poetae, quem forte
et ex improvviso ab aliis pronunciari audierant, sortes omen-
que captae sunt. Sic Socrates in carcere audiens recitari illum
Achillis versum apud Homerum, *Iliad. I. v. 363.*

Ἡμαῖ κεν τετρατὺς φθιὴν ἐρβώλοιο ἰκοίμην.

Aeschini se post triduum esse moriturum praedixit. Etiam Dio Cassius de Caracalla Caesare simile fere exemplum retulit, cuius verba latine reddita asserre liceat. *Cum non multo post occisus esset*, inquit, *atque hunc sermonem mecum habuisset postremum, illum vaticinatum esse quodammodo, ac futura praedixisse existimaui, non aliter quam Iovem, qui Belus cognominatus, coliturque Apameae civitate Syriae. Nam is Severo, cum adhuc privatam vitam ageret, hos versus (ex Homeri Iliad. B, v. 478.) dixerat:*

Ὀμματα καὶ κεφαλὴν ἱκέλος Διὶ περικρατύνῃ
Ἄρν δι ζώνῃ, στήθεϊ δὲ Ποσειδάωνι.

*Os, oculosque Iovi similis, qui fulmina torquet,
Et Marti latui, et Neptuno pectora.*

Eidem-

Eidemque postea Imperatori facto respondit consulenti:

Οἶκος δὲ σὺ πᾶς βήσῃ δι' αἵματος,

Per sanguinem tibi uniuersa ibit domus.

Imo etiam ex eiusmodi versu omen captasse videntur, qui ipso-
rum diuinantium menti ac cogitationi velut ex improvise occu-
rrit, multumve obversatus est. Nescio, an non huc referre
liceat, quae commemorat Valerius Maximus, L. I. c. V. *March*,
inquit, *Bruti dignus admissio parricidio eventum omine signatus*
est. Si quidem post illud nefarium opus, natalem suum celebrans,
cum Graecum versum expromere vellet, ad illud potissimum Ho-
mericum (Iliad. II, v. 549.) referendum ANIMO TETENDIT:

Ἀλλὰ μὲ μῦθ' ἔλαθ' Ἀητῆς ἔκπῃσι υἱός.

Sed me Parca ferox et Latonis filius occidit.

Quē Deū Philippensi acie, a Caesare et Antonio signo datus, in
eum tela convertit. Quod pari ratione literis prodidit Plu-
tarchus, in vita Bruti, asserens, Brutum, accepto poculo,
ἀπ' ὀσμῆς περὶ φάσματι ἀναφωνήσας τὴν εἴχην, temere alta voce
hunc ipsum versum pronunciaſſe.

X.

Ad quintum modum sortium poeticarum refero ἀκροστι-
χίδας, h. e. cum ex primis versuum literis aliquid connectitur
divinatorque. Etenim ἀκρον τῷ εἴχῃ notat τὴν ἀρχὴν τῷ εἴχῃ.
Equidem aliquando hae *Acrostichides* non nisi vel lusus ingenii,
vel memoriae caussa, adhibebantur, ut videmus in argumentis
comœdiarum Plauti: attamen eas etiam divinationibus inſer-
viſſe, docet Cicero *L. II de divinatione*. Hic enim, dum inter alia
ostendit, carmina Sibyllina fuiſſe callida hominum impostorum
inventa, et conſulto latebra obſcuritatis involuta, etiam ἀκροστι-
χίδας.

Quintus
modus di-
vinandi per
sortes
poeticas.

χιδ³ meminit, quae in iisdem reperiebatur. *Non esse illud carmen furentis*, inquit, *cum ipsum poema declarat*: est enim magis artis et diligentiae, quam incitationis et motus; tum vero ea, quae ἀκροσχηδ³ dicitur, cum deinceps ex primis versus literis aliquid connectitur, ut in quibusdam Ennianis, quae Ennius fecit. Id certe magis est attentis animi, quam furentis. Atque in Sibyllinis ex primo versu cuiusque sententiae primis literis illius sententiae carmen omne pertexitur. Earundem Acrostichidum Sibyllinarum meminit etiam Dionysius Halicarnassaeus, L. IV *Romanarum Antiquitatum*. Vbi enim monstraverat, oracula Sibyllina, qualia tunc extabant, ex variis locis esse comportata atque conscripta, porro pergit: ἐν τῇ ἐν ἰσχυρῇ τῶν ἱμνημάτων τῶν Σιβυλλείων, ἡλέγχοντι δὲ ταῖς καλεῖσθαι ἀκροσχηδ³ h. c. in his quaedam supposititia et carminibus Sibyllinis inserta reperiuntur, quae falsitatis convincuntur, ex iis, quae Acrostichida nuncupantur. Quid sentiendum sit de Acrostichide illa, quam ex carminibus Sibyllinis de iudicio extremo attulit Eusebius, L. V *de vita Constantini*, et in qua ex primis versibus cuiusque literis componuntur haec verba: ΙΗΣΟΥΣ ΧΡΙΣΤΟΣ ΘΕΟΥ ΥΙΟΣ ΣΩΤΗΡ ΣΤΑΥΡΟΣ, nihil attinet hoc loco exponere, cum eruditorum sententiae de huiusmodi reliquiis carminum Sibyllinarum haud aegre aliunde cognosci possint. Ceterum, quemadmodum iam constat, supersticiosos homines ex primis versuum literis in unam sententiam collectis, more *Cabbalistarum*, omina cepisse, an ita etiam, et eodem fine, ultimas versuum literas collegerint, difficile mihi probatu est, cum satis idoneum ex antiquitate testimonium mihi huc usque non occurrerit. Equidem ἀκροσχηδ³ opponi solet vox alia graeca, ἀκροτελεύτιαι. Verum cum haec non solum extremas, easque singulas versuum literas, sed etiam ipsos exitus, seu extrema verba versuum denotare possit; dubito, an satis commode huc accommodare queam oraculum illud, quod Thucydides, L. II, commemorat: Τὸ πλεονεχὲς καλεῖται

τὸ ὑπὲρ τῆν ἀκροπλευρὴν ὃ καὶ ἐπὶ πλεονέκτην τὴν μὴ οὐκ αἰετὴν, καὶ ἡ Πυθίκα καὶ αὐτοῖς ἀκροπλευρῶν πῶς τὴν δικαίαν λέγειν, ὡς τὸ πλεονέκτην ἀγρὸν ἀμεινόν. h. e. Pelasgicum etiam, uti vocant, quod sub arce sacrum, habitari fas non erat, Pythicoq. etiam oraculo vestabatur, in cuius oraculi ΑΚΡΟΤΕΛΕΥΤΙΩ (extremo) melius veditur, Pelasgicum otiosum vacare; tamen, subita necessitate cogente, habitarunt. Potest enim ἀκροτελεύτων hoc loco etiam extremum hemistichium, seu ultima verba alicuius versus, significare; cum illud et numeri rationes in hoc oraculo permittant.

XI.

Non possum prorsus praeterire modum illum plane singulare^{Sextus} conficiendi pariter ac consulendi sortes, quem ex Am-^{modus di-} ^{tinandi per-} ^{fortes poe-} ^{ne} ^{oraculorum.} Marcellino annotavit Cl. Dalaeus in *Dissertat. de origi-* Haec enim tradit Marcellinus c. XXIX. *Prioribus,*

Hilarius, construximus, inquit, magnifici ludices, ad Cortinae similitudinem Delphicae, diris auspiciis, de laureis virgulis, infausam hanc mensulam, quam videtis et imprecationibus carminum secretorum choragiūque multis ac diuturnis ritualiter consecratam morimus tandem. Movendi autem, quoties super verbis arcanis consulebatur, erat institutio talis. Collocabatur in medio domus emaculatae adoribus Arabicis, undique lance rotunda, pure superposita, ex diversis metallicis materiis fabrefacta: cuius in ambitu rotunditatis extremo elementorum viginti quatuor scriptiles formae incisae perite adiungebantur, patius examinatae dimensis. Has linteis quidam indumentis amictus, calcatusque itidem linteis foccus, torulo capite circumflexo, verberas felicius arboris gestans, litato conceptus carminibus numine praescitionum auctore, ceremoniali scientia supersistit, pensilem anulum librans, arcum ex Carpathio filo perquam levis, mysticis disciplinis initiatum: qui per intervalla distincta, retinentibus singulis literis, incidens saltuatim, HEROOS EFFICIT VERSVS, interrogationibus consonos, ad numeros et modos plene conclusos, quales

B 3

legun-

leguntur Pythici, vel ex oraculis editi Branchidarum. Ibi tum quærentibus nobis, qui præfenti succedet imperio; quoniam omni parte expolitus fore memorabatur; adsiliens anulus duas perfrinxerat syllabas, et cum adiectione literæ postrema, exclamavit præsentium quidam, Theodorum præscribente fatali necessitate portendi. Nec ultra super negotio est exploratum; sat enim apud nos consabat, hunc esse, qui poscebatur. Cumque totius rei notitiam ita signate sub oculis iudicum subiecisset, adiecit benevole, id Theodorum penitus ignorare. Post hæc interrogati, an ex fide SORTIVM, quas agitabant, ea præsciverint, quæ sustinerent; VERSVS illos notissimos ediderunt, clare pronunciantes, capitalem eum hanc operam scrutandi sublimiora cito futuram, nihilominus tamen ipsi quoque cum cognatoribus Principi caedes incendiaque flagitantes furis imminere; quorum tres ponere sufficit ultimas:

Ὅυ μὲν αἰψήμεν γὰρ σὸν ἵστανται αἶμα, καὶ αὐτοῖς
 Τισφύνη βαρύνῃς ἰΦοῖαςσοι κακὸν εἶται,
 Ἐν ποδῖνσι Μίμαντες αἰλὰ καιομένοισι κάρ.

Ad quæ adiciantur, quæ apud eundem Ammianum c. XXXI sequuntur.

XII.

Sextus mo-
 dus divi-
 nendi per
 sortis pos-
 itas.

Possent hoc loco etiam de ANAGRAMMATICIS et ETEOSTICHS agere, in quibus aliquando poetæ quoque versantur, et unde superstitionæ mentes, nescio quid augurii interdum peti posse putant. Nihil nunc dicam de verbis et nominibus ἱερὰ Φοις, de quibus videre licet Iac. Gronovium in notis suis ad A. Gellii Noctes Atticas, L. XIV. c. 6. Sed quod ad ἀναγραμματισμὸν attinet, quo aliae voces aliusque sensus ex traiectis literis eruantur, et cuius artificium, si quod est, Guil. Blancus, in *L. de anagrammate*, et Edmundus Dickinson in *Delphiæ Phœnicizantibus*, non male a *Cabala* Ebraeorum arceſſiverunt; habemus quidem eius quaedam vetustiora vestigia.

vestigia. Ita apud Graecos *anagrammatistes* memoratur poeta Lycophron, qui vixit tempore Ptolemaei Philadelphi; a quo Lycophrone nomen Graecum *Προλαμῶν* per anagramma commutatum dictumque est *δοσι μίλων*, et Regina *Ἀγωνίη* eadem ratione dicta est *regis ἰον*. Meminit et *Anagrammatismi* Eustathius, Scholiastes Homeri, ad *Iliad. A. v. ss.* et aliquot exempla affert. Quodammodo huc etiam illa interpretatio est referenda, quam vates Alexandro, cui Tyrum obsessi in somnio visus fuerat *Satyrus*, dederunt. Consulenti enim responderunt: *ΣΑ γανίστα ΤΥΡΟΣ, Τυα erit Τύρις*. Sed rariora illa sunt exempla; nec per se ad poesin adstricta; fateorque, hucusque ex antiquis scriptoribus nulum mihi exemplum occurrisse, ubi integros quosdam versus alicuius veteris poetae ita transposuerint, ut exinde de certis rebus veluti vaticinarentur. Recentius autem aevum ad nauseam usque, et saepe parum viriliter, in fingendis *anagrammatibus*, invertendisque versibus, lascivire visum est, maxime postquam Io. Auratus, superiore seculo, velut primus usum *anagrammatum* suscitavit. Atque idem fere etiam accidit *Eteosicibus*, quae et *χρονίσχη* et *χρονίσματα* dicuntur; propterea quod hoc carminum genere per literas, numerorum potestate valentes, certus annus tempusque designatur. Non reprehendo tempestivum et rebus apprime convenientem ingeniorum lusum; sed eius abusionem, et quorundam superstitionem. Interim sufficiat, in praesenti vel duo exempla adduxisse, quemadmodum quidam miro casu tum per *anagrammatismum*, cum per annorum literis designandorum artem, in veterum poetarum versibus nescio quid praedictionis sibi invenisse visi sint. Etenim, referente V. CL. Ioh. Alb. Fabricio, in *Biblioth. Graec. L. II c. 6*, Petro Loyerio Andegavensi, Libro de Colonis Idumaeorum, contigit, in uno Homeri versu, praedictum reperire praenomen et cognomen suum, patriamque, et annum,

annum, quo haec esset inventurus. Versus enim Homeri extat Odyss. λ. v. 183.

Σὺν δ' ἔπει τις ἔχην καλὸν γέρας, ἀλλὰ ἔμῃλος.

Hinc per anagramma conficitur :

Πάρος Λαίρμος Ἀνδίκαιος Γάλλος Ἰλνίς.

Restant literae α, γ, υ, quae indicant annum 1620. Sic etiam non nemo Ovidianum versum, invento anni indice, mirifice accommodavit ad Carolum, Hispaniarum Principem, qui Philippus II, Parentis rivalis, amores vetitos morte sua eluit, cum patricidii attentati infimularetur:

FILIUS ante DIEM patris InqVIRit In annos.

Cuius generis exempla plura iam congerere, vix operae pretium puto.

XIII.

A quibus tractatae sint haec sortes?

Non est dubium, quin varios ritus superstitiosos, ut in aliis, ita etiam in his fortibus, adhibuerint vani homines, ut conciliarent sibi numina fatidica; id quod etiam ex iis, quae n. IV et XI adduxi, conici potest. Praetereo tamen istam vanitatem, et iam solum modo de iis dicam, qui has sortes moderari consueverunt. Quemadmodum vero alias, pro sortium, quae tractabantur, aut rei, de qua agebatur, dignitate, requisita etiam fuerit dignitas atque auctoritas hominum, qui sortes has scriberent, miscerent, traherentque; exposuit Martinus Mauritius, c. VII de *sortitione veterum, imprimis Ebraeorum*. Quod vero speciatim attinet ad sortes poeticas, easque publice et in loco sacro consultas; ad has ipsas moderandas tanto magis adhibebantur sacerdotes; quanto persuasiores erant miseri homines, hos esse veluti Dei plenos, et in sortitionibus praestare operam plusquam humanam. Quamquam et in Iovis PVERI honorem

norem sortes manu puerorum mistas ductasque esse legamus. Sed saepe etiam aliquis solus fortunam suam exploraturus privatim consulebat huiusmodi sortes. Saepe adibat sortilegos, vel eiusmodi homines, qui circuibant per vicos et oppida, et, quemadmodum supra, *n. VIII*, ex Plutarcho declaravi, sorte quadam ex quibusdam libellis, quibus poetarum versus ad vaticinia reddenda idoneos inscripserant, servis mulierculisque oracula pronuntiabant. Talem hominem fuisse Onomacritum, Atheniensem, commemorat Herodotus, *in Polymnia*, qui eum non solum vocat *χρησμολόγος καὶ διατίτης χρησμάτων τῶν Μουσῶν*, h. e. SORTILEGVM, et SORTIVM MVSAEI MODERATOREM *atque explanatorem*; sed etiam refert, hunc inter Musaei sortes alienam inseruisse, atque, si quae *sortes* cladem barbaro nunciarent, earum nullam *recitasse*.

XIV.

Sed nunc porro dispiciendum est, quanam potissimum ^{Poetae ad} carmina tantae auctoritatis habita fuerint, ut ad istiusmodi ^{divinandum} divinationes, de quibus loquimur, adhiberentur? Vbi quidem ^{adhiberi;} quodrum ^{q̄d̄orum} deprehendo, quo vetustiora et excellentiora fuerint carmina; ^{aliqui ex} hoc maiore vim attributam videri Interim tamen et illud si ^{instituto} mul observo, alios poetas ex instituto scripsisse *χρησμούς*, seu vaticinia; ^{scripsisse} alios nihil minus, quam vaticinia cogitantes, longe alia cecinisse, haud minus tamen superstitionis hominum divinationi inservisse. Inter illius generis poetas, exempli causa, refertur EPIMENIDES, qui librum *περὶ χρησμάτων* scripsisse dicitur; ex quo etiam, si fides habenda Hieronymo, aliisque, versus Epimenidis a Divo Paulo allegatus habetur. Quid de EVCLOO, LYCO, BACIDE, OLENE, HYSTASPE, MVSAEO, ORPHEO, aliisque, dicam, qui inter *χρησμολόγους* referuntur, et quorum varia oracula apud Graecos Homero antiquiora iactantur? Etiam inter Scythas extitit ABARIS, qui, referentibus Suida et Apollonio, *χρησμούς*, seu oracula Scythica, carminibus consignata, prodidisse perhibetur. Nec foe-

minae poetriae defuerunt, quae carmina effunderent fatidica. Ita, praeter Sibyllas, de quibus mox dicam, fuit quaedam **DA-PHNF**, quae, auctore Diodoro Siculo, *Biblioth. L. IV*, mira indole fuisse, variisque oraculis singulari artificio conscribendis operam dedisse dicitur; a qua non pauca mutuatus carmina Homerus ad poeseos suae ornamentum transtulerit; et quae Sibyllae cognomentum acceperit, propterea quod saepius, divino correpta afflatu, fuderit sortes. Praetereo **PHEMONEON**, **XENOLEAM**, **PHAENAIDEM**, et ceteras, quibus passim apud Scriptores veteres *χρησμεδίας* tribuuntur. Videatur Buiengerus *L. de sortibus*; itemque Caleagninus, Triglandius, Clasenius, Boissardus, aliique, qui de oraculis et divinatione scripserunt. Extant quoque vetusta quaedam poetarum oracula, quae non solum Iohannes Oropoeus collegit, et ad calcem Sibyllinorum adiecit; sed eadem etiam Servatius Gallaeus repetiit, illustravitque. De ipsis vero **SIBYLLIS** ut hoc loco multa dicere aggrediar, nec tempus, nec instituti ratio permittit. Remitto potius lectorem ad V. CL. Io. Alberti Fabricii Bibliothecam Graecam, *L. I c. XXIX, et sequentibus*; qui incredibili industria et insigni eruditione instructus praestantissimos quosque harum rerum scriptores suppeditavit. Illud saltem non possum non monere, duplicis potissimum generis extitisse carmina Sibyllina. Alia iam inde usque ab antiquissimis temporibus Romae, tanquam propria et domestica oracula, auctoritate publica, magnaue religione, asservabantur, neque, nisi urgente metu publicae calamitatis, adibantur, nec sine ceremoniis sacrificiisque consulebantur. Alia erant carmina Sibyllina, sub celebri Sibyllarum nomine vulgata, confictaque; quae et privati possidebant, et quibus fortilegi circumforanei, quae inprimis utebantur. De quibus omnibus adire licet laudatum Fabricium, *Biblioth. Graecae, L. I, c. XXXI, n. 3. 4. 5. 12*. Huiusmodi ergo poetarum atque poetiarum oracula, carminibus conscripta, habebant quidem et in locis publicis, iisque sacris, ut

inde

inde quaerent, si qua ad praesentes personas atque tempora accommodari possent. Sic Scholiastes Euripidis, *ad v. 1267 Hecubae*, de Orphei oraculis ait: *Περὶ τὸν Αἴον, ὃ ἄνθρωποι ὀρφεὺς ἐν οὐνὶ διαγχαίνει*. Sed et privatim, iis modis, quos ante inuimus, eadem carmina consuluerunt. Certe, cum Spartianus, loco supra citato, commemorasset, Adrianum Caesarem consuluisse sortes Virgilianas, easdemque recensuisset; addidit, dixisse alios, similem sortem ei ex *Sibyllinis versibus provenisse*. Ita scilicet Adrianus non solum Virgilium, sed etiam oraculorum Sibyllinorum librum, consuluerat. Et notarunt viri eruditi istos versus, qui de Adriano etiamnum hodie in Sibyllinis, L. V, leguntur.

XV.

Sed etiam ex iis poetis sortes petierunt homines superstitiosi, quos dixeris nihil minus intendisse, quam voluisse vaticinari. Primo loco nomino Homerum, quo inter scriptores Graecos nullum antiquius ad nos pervenit monimentum. Hic, quemadmodum fons et origo omnis melioris doctrinae habebatur; ita multis etiam prae ceteris futurorum conscius videbatur. Cumque Aristoteles, teste Plutarcho *in L. de Pythiae oraculis*, dixerit, solum Homerum facere *moventia nomina*, ob efficaciam: quid mirum est, multis iam olim Homeri versus pro *sortibus* atque *oraculis* fuisse? Scripsit Matthias Berneggerus, *in Observationibus Historico-Politicis, n. XXXIII*, HOMERICAS SORTES olim omnino in magno pretio fuisse; sed praeter tria earum exempla memoriae sese non offerre, carum. Primum exemplum est Socratis, qui cum forte in carcere *v. CCCLXIII Lib. IX Iliadis Homeri*, recitari audisset, sibi post triduum mortem inde praedixit. Cuius rei iam supra meminimus, *n. IX*. Alterum exemplum est Bruti, qui de Pharsalici proelii successu sollicitus, in *v. DCCCXXXIX, Lib. XVI, Iliad. Homeri* incidit; quem itidem *n. IX* attulimus. Tertium exemplum est Macrini Opilii, cui scire cupienti: num impe-

Aliqui poetarum ad divinationem adhibiti sunt, qui per se nulla oracula scripserunt.

Exempla sortium Homericarum.

rium adepturus sit, sequentes Homeri versus (*ex Iliad. θ. v. CII et CIII.*) obtigerunt:

ὦ γέρον, ἡ μάλα δὴ σι ποὶ τόξεσσι μαχητή,
 εὐ δὲ βίῃ λάλυται, χαλεπὸν δὲ σι γῆρας ἐπέχει.

*O Senex, certe valde iam te premunt invencæ bellatorem;
 Tua autem vi soluta est; gravis autem senscimus te in-*
sequitur.

Hoc Dio Cassius refert de Macrino, eique quondam oraculum consulenti mortem his ipsis versibus prædictam fuisse, ait: sed Sozomenus idem responsum ab Apolline Didymaco redditum Licinio fuisse testatur. Καὶ Ἰλλήνης φασιν, inquit, αὐτὸν πῶς ἀπο-
 περασθῆναι τῷ ἐν Μιλήτῳ μαρτύρῳ τῷ Διδυμαίῳ Ἀπίλλωνος, ἱερμένῳ δὲ
 αὐτῷ περὶ πολέμου, χρηστὰ τὰ δαμνέοντα τυχεῖσι τῷς Ὀμηρικῆς εἴχης;

ὦ γέρον, ἡ μάλα δὴ σι ποὶ τόξεσσι μαχητή,
 εὐ δὲ βίῃ λάλυται, χαλεπὸν δὲ σι γῆρας ἐκάνει.

H. e. *Ipsi Graeci (pagani) dicunt, eum (Licinium) tunc exper-*
tum oraculum illud Apollini Didymaci in Miletu, atque ipsi inter-
roganti de bello, respondisse Daemonem, hæc versibus Homericis.
 Cuiusmodi exempla, ubi oracula per versus præstantissimo-
 rum poetarum responderunt, haud aegre plura proferre pos-
 sem, nisi fere nunc aliud mihi agendum viderem. Interim ad
forte Homericas illud quoque exemplum Caracallae referen-
 dum est, quod supra n. 1A, e Dione Cassio in medium attuli.
 Ceterum ridiculum, imo improbum est, quod, memorante
 Cl. Fabricio, in *Bibl. Gr. L. II. c. 6*, Iacobus Hugo, Belga Insu-
 lensis, de Homero affirmare sibi non religioni duxit. Ille e-
 enim, in Historia Romana, seu origine Latii, sive Italiae ac Ro-
 manae urbis, (quem librum divulgavit Romae A. MDCLV.)
 contendit, Homerum divino instinctu sub historia Troiana
 Hierosolymæ excidium; sub fabulis Graecorum in Iliade, Ser-
 vatoria

vatoris nostri vitam, miracula, passionem, et fata Ecclesiae sub Imperatoribus praedixisse: Harpyiarum nomine perstrinxisse Hollandos; nomine Evenidis, Genevenses Calvinum; Antinoi et Ladis, Lutherum; et Lotophagorum, Lutheranos. Quam ludricam eius delirationem, edita senae exercitatione, confutasse dicitur Ebertus Rudolphus Rothius.

XVI.

A sortibus Homericis progredior ad SORTES VIRGILIANAS. Quemadmodum enim apud Graecos princeps et pater poetarum fuit Homerus; ita inter Latinos poetas primae partes merito debentur Virgilio. Nihil iam dicam de iis, qui cum Renato Rapino Virgilium cum Homero contenderunt. Certe tantam eius carmina admirationem nonnullis concitarunt, ut ex iis, velut ex oraculis, in rebus gravissimi momenti, sortes legere haud dubitaverint. Cuius rei iam quaedam exempla dudum collegit Matthias Berneggerus, in *Observatione XXVIII. historico-politica*; quae hoc loco repetere haud pigebit. Sic enim Alexander Severus, cum Parentis hortatu animum a philosophia et musica ad alias artes traderet, auctore Ael. Lampridio, c. 14, huiusmodi *sortibus Virgilii* (ex L. VI Aeneid. v. 347, sequ.) illustratus est:

*Excudent alii spirantia mollius aera,
Credo equidem, vivos ducent de marmore vultus;
Orabunt caussas melius, ac oelique meatus
Describent radio, et surgentia sidera ducent:
Tu regere imperio populos, Romane, memento.
Hae tibi erunt artes, pacique imponere morem;
Parcere subiectis, et debellare superbos.*

Quibus versibus Alexandro Severo praedictum credebant imperium, quod ille aliquot post annos suscepit. Huic ipsi Imperatori cum Helingabalus insidiaretur, SORS in templo Fortunae Praenestinae talis extitit: (ex Aeneid. VI, v. 382)

- - Si qua fata aspera rumpas,
Tu Marcellus eris.

Claudius Gothicus cum de se confuleret, auctore Trebell. Pol-
lione, c. X, huiusmodi responsum (*ex Virgilio Aeneid. L. I,
v. 265*) accepit:

Tertia dum Latio regnantem viderit aestas.

Nec ultra triennium imperavit. Idem cum de posteris suis
confuleret, in hanc sortem incidit, (*Aeneid. I, 278*)

Hic ego nec metas rerum, nec tempora pono.

Cum quaereret de fratre Quintillo, quem consortem habere
volebat imperii, responsum est: (*Aeneid. VI, 369*)

Ossendent terris hunc tantum fata.

Qui et paucis diebus, post susceptum imperium, interfectus est.
Quid Adriano, de Traiani Imperatoris erga se benevolentia du-
bitanti, sortes Virgilianae, (*ex Aeneid. VI, 809, sequ.*) respon-
derint; supra, n. VI, ex Ael. Spartiano exposui. Haec sunt
illa exempla sortium Virgilianarum, quae passim hinc inde
afferuntur. At, quis dubitet, adhuc alia posse congeri, si
quis operam huic rei impendere velit? Non repetam nunc sor-
tes Virgilianas Clodio Albino, *ex Aeneid. VI, 858*, redditas, et
a me supra, n. VII, propositas. Auctores Observationum Hal-
lensium, T. IV, observ. XIII, memorant, Stephanum Pascasium
testari, antiquos quoque Gallos imitatos fuisse sortes Virgilia-
nas; eundemque profiteri, se et laborum uxoris parturientis
finem, et recens nati vitam atque fortunam, eò modo inquisi-
visse, licet ipse tali divinationi nullam tribuat fidem. Sunt et
alii inter Christianos, qui non erubuerunt tentare sortes Vir-
gilianas. Sic Beyerlinck, *in theatro vitae humanae*, recens ex-
emplum amici sui commemorat, qui animi caussa, puerulo nato,
sortes

sortes Virgilianas consuluerit, inque versum modo laudatum,
(*ex Aeneid. VI, 89,*) inciderit:

*Ostendent terris hunc tantum fata, neque ultra
Esse sinent.*

Quibus sortibus eventum ita respondisse ait, ut, quinto post mense, infans una cum matre lethali spasmo correptus obierit. CL. Fabricius, in *Bibl. Lat. L. 1. c. 12*, scribit, huiusmodi recentia Christianorum hominum exempla recenseri in *Memoriis Iacobi VVetwoodi*; quas evolvere mihi non licuit. Vnicum exemplum Caroli I, Stuarti, his subnectere libet. Ille enim, conspecto elegantissimo Virgilii codice, in bibliotheca Bodleiana, suatore Falcklandio, *sortium Virgilianarum* periculum facturus, incidit in v. 615. et sequ. L. *IV Aeneid.*

*At bello audacis populi vexatus et armis,
Finibus extorris, complexu avulsus luli,
Auxilium imploret, videatque indigna suorum
Funera; nec, cum se sub leges pacis intusque
Tradiderit, regno aut optata luce fruatur;
Sed cadat ante diem, mediaque inhumatus arena.*

XVII.

Quinam vero Poetae, praeter hos, quos haecenus re-
aensui, digni habiti sint, quorum carmina, quantumvis alio-
consilio conscripta, sortium tamen oraculorumque vicem <sup>etiam alio-
rum poeta-
rum sortiu</sup> subierint; difficulter definiri potest. Interim, quemadmodum alioqui non omnia oracula heroicis versibus, sed aliquando etiam Iambicis, aut etiam oratione prosa, proponebantur; ita intelligimus, nec solos *Epicas poetas*, sed etiam alios, sortibus poeticis consulendis intersuissse. Cuius rei documentum quoddam iam supra, n. *IX, p. 11*, e Dione Cassio produxi; quamquam fateor, illum versum:

Οἷος δὲ οὐ πᾶς βίησιν δὲ αἰματος,

UNA

una cum proxime antecedente oraculo, per quamdam ἀβλυσίδα non suo loco collocatum, nec ad debitum divinandi modum ibi relictum esse. Interim patet, illud ipsum responsum ex poeta quodam Tragico provenisse; et vix dubito, quin ad *sortes Euripideas* pertinet: adeoque persuasus sum, ad divinatrices sortes potissimum *Epicorum* atque *Tragicorum* poetarum carmina vocata fuisse.

XVIII.

De corruptioribus
sortium
poeticarum

Sed fortasse haud inconveniens fuerit, hoc loco etiam de *corruptioribus sortium poeticarum* non nihil dicere. Etenim, quemadmodum alias veterum oracula fraude doloque conficiebantur; ita speciatim etiam in sortibus poeticis non omnia sincere peracta fuisse deprehendimus. Quantae fraudis iam olim suspecta fuerint carmina Sibyllina, quae etiam *sortibus* destinari solebant; facile aliunde constat. Apud Tacitum legimus, *L. VI Annalium*, multa vana carmina sub nomine celebri Sibyllarum vulgata fuisse. Scilicet, cum carmina illa Sibyllina, quae a Senatu Romano religiosissime custodiebantur, nec, praeter viros publice constitutos, cuiuspiam privati hominis usibus permittebantur, incredibili apud populum essent auctoritate: hinc sortilegi illi carmina conficta ac varias sortes colligebant, et, quod Plutarchus, *in vita Ciceronis*, exemplo Lentuli docet, nihilominus QVASI EX LIBRIS SIBYLLINIS credulis hominibus vaticinabantur. Ita Lucianus, *de vita Peregrini*, annotavit, versus quosdam Sibyllinos a Theaegene, Cynico, confictos esse, huncque pro singulis huiusmodi commentitiis sortibus drachmam et duos obolos captasse. Imo, quamvis illi haberent ipsa poetarum carmina fatidica; iis tamen vel versus alienos et ad suum institutum accommodatos immiscebant; vel etiam, si per sortem prodirent versus, qui ad rem praesentem minus facere viderentur, eos subdole supprimebant, reticebantque. Tam callidus sortium corruptor Oenomacritus, Atheniensis, fuisse dicitur; qui non tantum, teste Suida,

Suida, Orpheo oracula supposuit; sed etiam, prout supra ex Herodoto ostendi, Musaei sortes corruptit; dum illis hanc etiam *inseruit*, fore, ut insulae Lemno adiacentes mari submergerentur; et, si quae sortes Xerxi, ad quem Athenis eiectus confugerat, cladem minitarentur, earum *nullam recitavit; contra vero faustissimas quaque expromsit.*

XIX.

Si nunc in causas et originem harum sortium poetica-^{Quae causa et origo sit sortium poetica-rum?}rum inquiramus, sciscitemurque, unde tanta divinandi auctoritas carminibus poetarum attributa fuerit; ea huc accom-^{modare possumus,} quae Cicero, *L. II de Divinatione*, generatim de SORTIBVS DIVINATRICIBVS pronunciavit: *Tota scilicet res inventa est fallaciū, aut ad quaestum, aut ad superstitionem atque errorem.* Equidem, ab antiquissimis temporibus, quaecunque sapientiae et religionis capita edebantur, metris comprehensa fuisse videntur. Saltem apud Graecos poemata prius edita, quam *συγγεφάς*, sive *scripta praefaica*, fuisse, innuit Strabo, *L. I.* Et Plutarchus, *in Libro de Pythiae oraculū, p. 406*, testatur, fuisse tempus, cum homines metris, carminibus, cantilenis usi sint; et omnem historiam, omnem philosophiam, omnes denique eventus, et res graviores requirentes orationem, ad poeticam et musicam applicuerint; quin et laudes deorum, vota, pacanes, versibus incluserint: alii ob vim ingenii; alii propter consuetudinem. Si ergo tunc nihil non, quod alicuius momenti esset, versibus proderetur; quid mirum, oracula etiam ad carminis leges composita fuisse? Maxime, cum saepius homines nonnulli, illud, quod insolens est, et obscuritate atque circuituionibus obductum, sub opinione divinitatis alicuius pavidi venerentur. Ita idem Plutarchus ratiocinatus porro scripsit, Deum etiam vaticinationi non invidisse elegantiam et ornatum, neque Musas in honore alibi habitas hinc a suo tripode abegisse; sed adduxisse potius, amplexum poeticas indoles, excitata alacri mi-

D

rabilique

rabilique facundia. Accedit huc, quod, ipso Plutarcho factente, istis hominibus ad prodenda vaticinia saepissime opus fuerit ambiguitate, circuitione, et obscuritate quadam; imprimis si civitates Principesque potentes de rebus futuris sciscitarentur. Iam vero, quid propter translationes frequentes atque ambiguitates, aptius est, quam poësis, ad miscendam dictis umbram, ad fingendos varios orationis sensus, ad inducendos quasi divinationis quosdam fucos, et ad effugium parandum, quibus tuerentur se vates, si quid secus evenisset? Equidem erant aliquando vani isti vates, adeo rudes et adversus satis bonos componendos inepti, ut saepius contra metri leges versus facerent, et vocabulorum pravitate peccarent; quo ipso sagacioribus, et nominatim Epicureis, Cynicis, Aristotelicis, aliisque, frequentem exagitandorum vaticiniorum occasionem praeberunt. Neque minus in suspicionem fraudis, aut amissae pristinae facultatis, multis venerunt oracula, cum Apollo desisset versus facere; quod iam Pyrrhi temporibus accidisse scripsit Cicero. Qua re adductus Plutarchus peculiari commentario exposuit, *cur Pythia non amplius reddat oracula carmine?* Et quanquam haberent etiam poetas, qui, memorante Plutarcho, apud oracula desidebant, ut responsa, prosa oratione reddita, in numeros redigerent, et eis versus, tanquam vasa quaedam, circumplicarent: attamen, cum nec hi semper satis idonei haberi possent, atque ne, aut omissis versibus incurrerent in notam perditae pristinae divinitatis, aut, prolatis vitiis versibus, se exponerent aliorum contemtui atque ludibrio; hinc carmina praestantissimorum Poetarum velut in subsidium vocarunt, collectis inde versibus, quibus pro re nata, loco oraculorum, uterentur, et vel secundum, vel adversum rerum eventum quaerentibus indicarent. Atque ex hac ipsa re SORTES POETICAS enatas esse censo. Etenim, cum viderent homines, in templis ipsis responderi versibus Homeri, aliorumque praestantiorum poetarum; facile usu

le usq; venit, ut ipsi excogitarent varios modos etiam privatum divinandi ex poetis: tanroque proniori superstitione amplectebantur auctoritatem insignium poetarum; quanto hi maiorem speciem divinae cuiusdam facultatis: praese ferebant; utpote qui sibi ipsi nomen vatum tribuerent, et quasi a Deo agitati, et a Musis instructi, ea, quae canebant, expromerent, nec dubitarent haec de se iactare:

Est Deum in nobis, agitante calescimus illo.

Quid ni ergo et *Aegyptii* illos atque fortilegos, de quibus iam diximus, quaestus causa, e carminibus poetarum excellentissimorum credulo popello vaticinia protulisse existimemus? Imo, pro illo fururorum eventuum praenoscendorum desiderio, quo tot homines tenentur, ipsi quoque Christiani, siue serio, siue per lulum, harum sortium poeticarum periculum aliquando fecerunt; haud secus, ac alia superstitionis paganae genera retinere et imitari aliquando deprehenduntur.

XX.

Quae cum ita sint, haud difficulter intelligitur, *quaenam* An vis divi-
divinandi virtus insit in his sortibus poeticis? Equidem, quod ad nandi insit
 illos vates attinet, qui ex instituto vaticinia iactarunt, et quo- in carmini-
 rum vaticinia quaedam evenisse perhibentur; res difficilis fere bus poeta-
 est, et infinitae disputationis, tum eorum, qui aliquam divinandi rum?
 facultatem nonnullis vindicare conantur; cum illorum, qui eam omnem omnibus prorsus hominibus denegatum eunt. In
 veterum pariter atque recentium vatum divinationibus incredibile quidem est, quantum vanitatis, fraudis, fallaciarum atque praestigiarum occurrat: interim, quis omnium omnino hominum mentes, earumque vires et facultates, satis perspexit, ut, quantum quaevis mens valeat, accurate definire possit; quin nostrae quidem mentis, ac ne corporis quidem, vim prorsus cognitam habemus? Quis cognovit omnia, et ea singularia, divini Numinis consilia atque destinata; quod et inter ipsos ho-

mines a vera religione alienos maiestatem suam variis modis testatam fecit? Sed sciens prudensque in praesenti ab hoc argumento recedo; nec minus tamen illud aperte confidenterque affirmo, non nisi vanam inanemque esse illam ex poetarum carminibus divinandi rationem. Vnde enim illa vis inceserit scripta poetarum, ut mihi huius illiusve rei exitum significant; quae longe alio animo atque consilio consignata sunt? Et sane experientia evidenter docet, infinita sortium poetarum experimenta irrita conatu facta esse, et vel falso, vel prorsus nullo apto sensu, evenisse. Adhaec, quam saepe flexiloquae et obscurae sortes emergunt, quae, propter figuras et dictionem poetarum, ad plures et diversas res possunt accommodari? Quales vero illa est divinatio, quae propter ambiguitatem ad novas sortes referenda? Denique, quamvis non nullae sortes eveniant, aut adhuc forte eveniant, quae respondeant factis rebusque, et quae diversae fortunae exitum ante significant; (at quam paucae sunt, quae ex tot saeculorum memoria afferuntur?) Quid tum vero? An non putemus, inter tot tentamenta, casu quasdam sortes ratas fieri posse? An non credamus, ipsum casum aliquando imitari veritatem? Licebit, opinor, hanc in rem afferre luculentum Eusebii locum, Latine redditum, quem iam Antonius van Dale annotavit, ut generatim oraculorum vanitatem monstraret. *Quotcumque responsa, inquit, ambiguitate oblecta ipsi exciderint, ea non ex praescientia futuri, sed ex coniectura prolata, eorum millena, imo fere omnia, saepe aliter, quam praedictum fuerat, cecidisse deprehendantur; dum rerum exitum contra oraculorum promissa terminetur. Nisi quod sic aliquando, ac raro quidem, unum ex millenis, casu quoque aut bona fortuna contingens, aut secundum ex coniectura expectatum eventum, faciat, ut oraculum vera praedixisse putetur. Quod tum magnopere ab iis, quibus talia contingere, in cippis et columnas incidit (in libros et rerum monumenta referri) videtur; quia cum (si quando res ita tulerit) quod tam multi expectatione sua decepti fuerint,*

fuerint, verbum plane nullum fieri velint; tum vero, quod uni ex infinitis alicui, prout ab oraculo responsum fuerat, acciderit, id nullo non loco circumferant. *Qua in re perinde se gerant, ac si quis, cum ex infinita hominum micantium, aliore sortis genere utentium multitudine, duo aliqui vel semel tantum in eadem casu incurrerent, factum miraretur; quasi divinatione quadam sortisque futurae scientia, unus atque idem utrique numerus obtigisset. Eandem enim eius esse rationem, quod unum ex infinitis datum responsum, ac circa res numero infinitas editis, sorte fortuna semel evenerit; et cetera.*

XXI.

Quaeritur tandem, utrum viro prudenti, bono, atque pio, liceat uti huiusmodi sortibus poeticis, ita, ut inde rerum suarum eventum divinare atque agendi consilia capere velit? Verum haec quaestio non adeo difficilis explicatu videtur. Quod si enim nulla divinandi vis carminibus poetarum tribui potest, et, inter multa millia experimentorum, vix uno alteroque exemplo eventus respondet sortibus poeticis; temerarium foret, res suas dubio casui committere, aut eas incertas indefinitasque relinquere. Iam autem vir prudens temeritatem ad consilia sua non admittit, neque res suas huiusmodi vanitatis meritis; sed ratione potissimum nititur, atque rerum momentis insistit. Recte ergo graviterque locutus est Cicero, *L. II de divinatione: Quando illa (superstitiosa divinandi genera) observans, quieto et libero animo esse poteris, ut ad rem gerendam NON SUPERSTITIONEM HABEAS, SED RATIONEM, DUCEM?* Itane, si quis aliquid ex sua re atque ex suo sermone dixerit, et eius verbum aliquod apte ceciderit ad id, quod agas, aut cogitabis; ea res tibi aut timorem afferret, aut alacritatem? Maxime vero pietatis et religionis nostrae vis prohibet, ne rerum nostrarum praesidia ab eiusmodi vana hominum paganorum divinatione arcessamus, et errores cum profana superstitione coniunctos sequamur, aut divinae providentiae

An licitum
sit, sortibus
poeticis uti?

dentiae veluti periculum temerario ausu faciamus. Et quamquam viro aliqui bono indifferens et in medio positum esse videatur, num velit aliquando explorare huius generis sortes, vel animi causa, vel ut illius rei varietatem vanitatemque magis cognoscat; habet tamen, cur ipse sibi caveat, quo minus mens, praenoscendae fortunae cupida, ad inanem superstitionem amplectendam tandem dilabatur.

XXII.

Quaenam
sortes san-
ctorum, et
quae harum
nomina a-
lia?

Haec sunt, quae de *αἱρεματῶν* asserre in praesens volui. Hac enim voce Graeca *sortes poeticas* designare malim, (et sic supra etiam, *n. IV et V*, exscribi debuit) quam voce *αἱρεματῶν*, quae non nullis arridet, et proprie non nisi *divinationem ex elementis litterarum* notat. Finem igitur nunc huic dissertationi imponerem, nisi de SORTIBVS SANCTORVM, quae cum POETICIS SORTIBVS haud exiguum habent cognationem, pauca adhuc disserenda esse intelligerem. Eo breviori autem in hac re mihi esse licebit; quo maiori diligentia iam nonnulli idem argumentum pertractarunt. In his nominatim Henr. Linckius, Antecessor quondam de hac Academia bene meritisimus, iam A.C. Clj lxxvi, peculiarem dissertationem de *fortibus sanctorum, sive Apostolorum, ex inspectione S. Bibliorum*, evulgavit. Nec pauca de SORTIBVS SACRI CODICIS observata deprehendimus, in *T. IV observationum Hallensium, observ. XIII*. Ita vero Carolus du Fresne, in Glossario Latino, T. III, p. 904, ex Hincmaro de divortio Lotharii, huius nominis testimonium asserit: *Sunt et fortilegi, qui sub nomine fidei religionis, per quasdam, quas SANCTORVM SORTES vocant, divinationis scientiam profitentur, aut quarumcunque scripturarum inspectione futura promittunt*. Dicebantur etiam a Petro Blesensi SORTES APOSTOLORVM et PROPHETARVM; quia utrorumque scripta divinandi causa inspiciebantur. Et propter divinationem ex Evangeliiis etiam SORTES EVANGELICAE audiebant. Pluribus vero laudatus Carolus du Fresne

Fresne ostendit, speciatim illam divinationem, qua ex inspecto Evangelio futuram Episcopi recens electi vitam atque munitis administrationem praenoscere satagebant, PROGNOSTICON appellari consuevisse. Scilicet, quemadmodum in *apocrypha* e versibus poetarum; ita in SORTIBVS SANCTORVM ex inspectis libris divinatorum literarum, de rebus propoſitis velut vaticinia capiebant.

XXIII.

In his vero sortibus sanctorum consulendis consulebatur CO-DEX-DIVINVS, ita tamen, ut quandoque unum, quando plures libros ad tales divinationes usurparent. Omnium frequentissime volumen *Pſalmorum* atque *Evangeliorum* auspiciandi causa evolutum esse deprehendimus. Gregorius Turonensis, *L. IV Histor. c. 16*, aliquot librorum sacrorum mentionem facit: *Postis Clerici tribus libris super altarium*, inquit, *id est, PROPHETIAE, APOSTOLI, atque EVANGELIORVM, oraverunt ad Dominum, ut Chramno quid eveniret, ostenderet; aut si ei felicitas succederet, aut certe, si regnare posset, divina potentia declararet: simulque unam habentes convenientiam, ut unusquisque in libro, QVOD PRIMVM APERIEBAT, hoc ad Missas etiam legeret. Aperto ergo primum omnium Prophetarum libro, reperiunt: AVFERAM MACERIEM EIVS, et cetera. Idem Scriptor, L. V, adhuc alios libros Codicis sacri nominat: Ego vero, resarato SALOMONIS LIBRO, versiculum, qui primus occurrit, arripui; qui haec continebat: OCVLVM, QVI ADVERSVS ADSPEXIT PATREM. Et paulo post: Post haec, continuato triduo in ieiuniis vigiliisque atque orationibus, ad beatum tumultum iterum accedens, revolvit LIERVM, qui erat REGVM; versus autem primae paginae, quam resaravit, hic erat: PRO EO, QVOD DERELIQUISTIS DOMINVM DEVM, et cetera. Imo, praeter divinum codicem, etiam libros, uti vocantur, *missales*, sortibus sanctorum inservisse, ex iis cognosci potest, quae ex *lonae visa S. Huberti, c. XP*, asseruntur.*

Quinam libri in consulendis sortibus sanctorum adhibiti fuerint?

Vt

Ut voluntatem, inquit, super negotio Domini nosse possent, ab eo totū nīstrum poposcere. Ac tertio tandem ieiunii die instante, duos libros super altare deposuere; quorum unus SACRATISSIMUM EVANGELII retinebat textum; alter vero BENEDICTIONES atque CONSECRATIONES, quibus MISSARVM peragitur sacramentum: scilicet, ut a diviniū libris addiscerent, quae sibi de hū agenda forent. Refertur autem Evangelium hanc primum legenti sententiam obtulit: ne timeas Mariā, invenisti enim gratiam apud Dominum. Liber etiam sacramentorum in sui apertione hoc videnti obiecit: dirige vitam famuli tui.

XXIV.

Modus di-
vitiandi per
sortes san-
ctorum.

Non uno eodemque modo haec etiam SORTES SANCTORVM consuli consueverunt. Vulgatissimus modus fuit, aperto sacro codice, ex verbis primo loco obviis, auspiciū capere; quippe quod de voluntate DEI interpretabantur. Vti vero plerumque eum versum, qui primus in oculos incurrit, arripuerunt; ita ut plurimum *summitatem paginae*, aut primum paginae capitulum, respexisse videntur. Sic Matthaeus Parisiensis de Anselmo scripsit: *Inter sacrandum pro ritu Ecclesiae, codex Evangelii ab Episcopo super eum apertus tenebatur. Consecratione autem peracta, cum codex inspiceretur, in PAGINAE SUMMITATE haec sententia est reperta: Vocavit multos, et misit servum suum, et coeperunt omnes se excusare.* Aliud genus *sortium biblicarum* annotarunt Observat. Hallens. auctores ex Epistola Nicolai Papae ad Bulgaros, ubi Graeci codicem manibus clausum tenere dicuntur; unus ex iis, arrepta tenui particula ligni, hanc intra ipsum codicem condere, et, si undique aliqua vertitur ambiguitas, per hoc affirmare, se scire posse, quod cupiant. Verum etiam ex fortuito auditu sacrae alicuius sententiae, maxime si templum ingressi a sacerdote audirent recitari verba quaedam divina, sortes omenque captabant. Refert hoc Metaphrastes Graecus Martyrologii de Cypriano: *Quum ingrederetur Ecclesiam, bonum omen capiebat sui intro-*

tus, si

tur, si verba, quae ibi praelegebantur, scopo suo convenientia inveniret. Ac dum intrabat Ecclesiam, praeter expectationem contigit, ut Diaconus haec Apostoli verba personaret: Christus nos redemit ab execratione legis, dum pro nobis factus est ex-
 eratio. Quae omnia scopo suo quadrare iudicans, iam firmior ac perfectior animum ad fidem in Deum applicabat.

XXV.

Quaquam *sortes Sanctorum* aliquando a privatis pro lubi-
 tu, sine aliis ceremoniis institucrentur; attamen, si res erat ^{Quaenam ceremonias solemniores} magni momenti, de qua consulebatur, aut si personae publicae ^{in confu-} atque sacrae in templis eas tractabant; accedebat solennitas ^{tendis forti-} quaedam ceremoniarum, quibus credulitas hominum veluti ^{bis sancto-} magis confirmaretur. Hinc enim antea *precibus, ieiuniis* atque *pau-*
vigiis operabantur, uti paullo ante ex Gregorio Turonensi intelleximus. Hinc libros sacros *super altaria* collocabant; uti idem Scriptor, in *vita S. Confortiae Virginis* indicat: *Si vultis, pergamus ad Ecclesiam, agatur missa, PONATUR EVANGELIUM SUPER ALTARE, et, communi oratione praemissa, codice patefacto, inspicimus domini voluntatem, ex illo capitulo, quod primum occurrerit.* Ponebant etiam sacros codices *super sepulcra Sanctorum*. Quod idem Gregorius, *L. V. histor. c. XIV.* de Merovaco testatur, commemorans, hunc *tres libros SUPER SANCTI MARTINI SEPULCRVM POSVISSE, idest, Psalterii, Regum et Evangeliorum, atque vigilantem tota nocte petisse, ut sibi beatum confessor, quid eveniret, ostenderet, et utrum posset regnum capere, an non, ut, Domino indicante, cognosceret?* Postea, continuato triduo in ieiuniis, vigiliis atque orationibus, ad beatum tumulum iterum accessisse, et revolvisse librum, qui erat Regum. Adhaec codices sacros osculabantur: quod intelligo ex Guiberto, *L. II de vita sua*, a Carolo du Fresne citato: *Cum obvium mihi procedere pararent, inquit, textum E-*

vangelii ex industria super altare hac intentione aperuit, ut, quod capitulum oculis primum occurreret, pro mei auspicio haberet. Mox: Aperuit ergo librum, CUI Iuxta morem extrinsecus LABRA DEPRESSERAM. Quis vero omnia superstitionis rituum genera persequatur?

XXVI.

Origo sortium Christianorum.

Quod ad *causam et originem sortium Evangelicarum* spectat; nihil probabilius est, quam, eas poeticis paganorum sortibus suos natales debere. Etenim, cum homines antehac divinandi vanitate et religionum superstitione imbuti modo transissent ad sacra Christianorum, audivissentque, quanta vis et auctoritas sit verbi Divini: facile fieri potuit, ut, quae est mens hominum ad divinandum pronissima, existimarent, ex hoc ipso fortasse multo rectius veriusque, quam e poetarum carminibus, (quae antehac maximi fecerant,) tum ea, quae ad animae salutem; cum cetera etiam, quae ad fortunam huius vitae moderandam pertinerent, quæri cognoscique posse. Non enim solum, ubi generatim in rebus agendis dubii essent de voluntate DEI, hoc modo eius certiores fieri cupiebant; neque solum in eligendis episcopis, explorandisque eorum moribus atque fati futuris, ad has sortes se referebant; cuius rei exempla haud pauca extant: sed etiam aliorum quorumcunque vitae negotiorum exitum inde sciscitabantur. Quod quamquam utrumque a superstitionis labe prope abest; censuit tamen Augustinus, (adeo scilicet non solum rudes inferiorisque sortis homines, sed ipsi etiam magni nominis Antistites huc devenerant) saltem in S. religionis negotiis has sortes non male consuli. In epistola enim XIX haec scripsit: *Hi vero, qui de paginis Evangelicis sortes legunt, estioptandum est, ut hoc potius faciant; quam ut ad Daemonia consulenda concurrant; tamen etiam ista mihi displicet consuetudo, ad NEGOTIA SAECYLARIA et*

AD

AD VITAE HVIVS VANITATEM, *propter aliam vitam loquentia oracula divina velle convertere.*

XXVII.

Hanc SORTIVM EVANGELICARVM nimiam abusione cum animadverterent Sancta Patrum concilia, eas graviter improbarunt, reieceruntque. Multo studio variorum Conciliorum decreta hanc in rem collegit LINCKIVS, antea laudatus. Sufficit in praefens vel illud saltem asserre, quod *Concilium Venetum*, Anno Christi circiter CCCCLIII celebratum, decrevit. In ultimo enim Canone Patres ita statuerunt: *Ne fortasse id videatur omissum, quod maxime fidem catholicae religionis infestat, quod aliquanti Clerici student auguriis, et sub nomine consuetae religionis, quas SANCTORVM SORTES vocant, divinationis scientiam profitentur, aut quarumcunque Scripturarum inspectione futura promittunt; in hoc quicumque Clerici detecti fuerit, vel consulere, vel docere, ab Ecclesia habeatur extraneum.* Laudat etiam LINCKIVS inter alia poenitentiale, uti vocari solet, quod in Bibliotheca Norimbergensi existere, et, c. CLV, triplici potissimum de causa has sortes prohibere, refert: *Primo, ne sub hac divinationu specie ad memoriam redeant homines cultus idololatriae. Deinde, quia in sortibus peragendis fraudes multae occurrant, ut facilius sit sortibus fraudes immiscere, quam divinam voluntatem orationibus impetrare. Denique, quia tantae non simus sanctitatis, ut nobis in sortibus voluntatem suam Deus aperiat.*

*Damnatae
sunt sortes
Sanctorum
s Concilii
Patrum.*

XXVIII.

Reliquum adest, ut nunc ostenderem, quomodo hae SORTES CHRISTIANORVM vel approbari debeant, vel improbari? Sed praeterquam, quod neque institutum meum quandam huius rei disquirendae necessitatem mihi imponat, temporis

*An sortes
Sanctorum
sint promittendae?*

ris angustia exclusus prohibeor, quo minus ad hoc argumentum penitus excutiendum digrediar. Interim satis est, evidenter constare, DEVM suum nobis verbum patefecisse, non, ut inde vaticinia petamus, et providentiae divinae diffusi huius vitae fata exquiramus; sed ut vitae futurae et aeternae salutis consequendae rationem cognoscamus; id quod non per sortium modum, sed per legitimum sensus divini scrutinium, fieri debet. Quemadmodum vero Auctor Observationis XIII, *Observat. Hall. T. IV*, quem virum celeberr. Burcardum Goth. Struvium esse puto, *n. XXX*, recte damnat omnes sortes divinatrices, quibus DEVS tentatur; ita miramur, eundem tamen *n. XXXIX*, optare, ut tales sortes cumprimis in iudicia iterum introducantur. Ait enim, *nos non male alitur, si in iudicia nostra tum civilia, tum criminalia, (ni tam essent corrupta) introduceremus sortis iudicium; ita enim melius decidi posse lites, quae pravorum iudicium advocatorumque nequitia saepius in infinitum protrahuntur.* Sed abrupto nunc filium huius dissertationis, et in fine Io. Christophori Becmanni sententiae, quam in *Lineis doctrinae moralis, c. VIII, n. XI*, proposuit, lubens subscribo: *Cunctis huic (exemplis sortium christianarum) casum praesumptionis et temeritatis adversus DEVM opponimus: ac si ab hominibus non malum inserpentur, nihilominus huic notas non declinaturos opinamur. Si urgeant, non adhiberi instar sortis, sed instar selectioris regulae praesenti statui nostro congruae, partem excusabilitatis quidem habebunt; sed quidni eandem ex communi iure divino decerpunt? Cur fortione regulas captare malunt? SECVRIVS ITAQVE OMNIBVS AEQVE ABSTINEMVS.*



V411523453